

Setatamente sa Sephiri

Re leboga ge o kgethile goba karolo ya Setšhaba sa Worldcoin! Worldcoin ke talelano ya mothopo wa go bulega, e thekgilwego ke setšhaba sa batšweletši ba lefase ka moka, batho, le ba bangwe ba tlaleletšago.

Setatamente sa Sephiri se akaretša datha ye o re fago yona ka tirišo ya gago ya diwepesaete tša rena, mananeotirišo ("Tirišo"), talelano, le ditirelo tše dingwe tše kgokaganego le Setatamente se sa Sephiri (ka kopanelo, "Ditirelo"). Setatamente se sa Sephiri se akareditšwe gape se bušwa ke Melao le Maemo a Mošomiši go worldcoin.org/tos ("Melao ya Mošomiši"). Tools for Humanity Corporation ("TFH US"), gammogo le Tools for Humanity GmbH tša go thuša tša Sejeremane botho ("TFH Germany"; mmogo, "TFH" goba "re," "rena"), di tlaleletša go tšweletšo ya mathomo le kgolo ya talelano ya Worldcoin ("Worldcoin").

Bakeng sa tshedimošo ya ka mo re kgoboketšago, re dirišago, re bolokago le go phumula datha ya gago ya payometrike e kgoboketšwego ka Orb ya rena, hle hlahloba [Foromo ya Tumelelo ya Datha](#), e akareditšwego ka tšhupetšo. Re ka se kgobokanye datha ya gago ya payometrike go Orb ntle le ge o dumela le go fana ka tumelelo go [Foromo ya Tumelelo ya Datha](#).

Molao wa Carlifornia wa Sephiri sa Moreki, k age o lokišitšwe ke Molao wa Carlifonia wa Ditokelo tša Sephiri, ga byale ga o šome go TFH.

1. Balaodi

Balaodi ba kopanego ba datha ke:

Mokgatlo wa Dišomišwa tša Botho, 548 Market Street, PMB 49951, San Francisco, CA 94104 USA.

Tools for Humanity GmbH, Allee am Röthelheimpark 41, 91052 Erlangen, Germany

TFH US e na le maikarabelo kudu a go tšweletša, go laola, le go thekga Ditirelo, go akaretša le go araba dikgopelo tša datha ya motho le go dumelelana le maikarabelo afe goba afe a molao. TFH US e na le maikarabelo gape a mediro ya letšatši le letšatši ya kgwebo byalo ka mešomo ya batho le go kalatša.

TFH Jeremane e na le maikarabelo kudu a go tšweletša le go katiša mananeo-palo, go aga le go laola mesepele ya datha go tšwa go Orb go ya go diseva tša rena, le go lebelela ka kakaretšo di Orb le balaodi ba Orb.

Go mošomiši, mekgatlo ka bobedi e bereka byalo ka mokgatlo o mo tee. Bašomiši ba ka ikgokaganya le mokgatlo le ge e le ofe ka tiragalo le ge e le efe ya tšhepedišo. Go amana le mošomiši mekgatlo ka bobedi e ipolela e na le maikarabelo ka go lekana ka tiragalo le ge e le efe.

2. Mpshafatšo go Setatamente se sa Sephiri

Re mpshafatša Setatamente se sa Sephiri ka dinako tše dingwe. Ge re dira diphetogo tše kgolo, byalo ka kamoo re šomišago tshedimošo ya gago ya botho, re tla go tšebiša ka emaile goba molaetša go Tirišo ya gago.

3. Go na le eng ka gare ga Setatamente se sa Sephiri?

- Boitlamo bya rena go šireletša sephiri sa gago le datha
- Tshedimošo yeo re ye kgoboketšago le gore ke ka baka la eng
- Kamoo re šomišago datha yeo re e kgoboketšago
- Ke kae mo re sepedišago datha ya gago
- Ge re abelana ka datha ya gago
- Kamoo datha ya gago e begilwego go blockchain ya phatlalatša
- Kamoo re šomišago di cookie

- Ke nako ye telele gaka yeo re bolokago datha ya gago ka yona
- Kamoo Setatamente se sa Sephiri se fapanego bakeng sa bana le bafsa
- Ditokelo tša molao tše o nago le tšona ka tlase ga GDPR
- Kamoo o ka ikgokaganyago le rena ka Setatamente se sa Sephiri

4. Boitlamo bya rena go šireletša Sephiri sa gago le Datha

Re itlamme ka mo go tseneletšego go šireletša sephiri sa gago le go šireletša datha ya gago. Re lemoga gore re ka phethagatša thomo ya rena ya go abelana ka dithokene tša rena tša ditšhithale ka toka go batho ba le bantši kamoo go ka kgonegago ge fela batho ba re bota, gape sephiri le tšhireletšo ya datha ke motheo wa go ruwa go re bota.

Sephiri

Re hlamilwe ditšweletšwa le ditirelo tša rena re naganne ka sephiri sa gago. Re

kgoboketša datha go kaonefatša setšweletša le ditirelo tša rena. Re tla go botša ka mehla, ka gare ga

Setatamente se sa Sephiri goba go diforomo tša tumelelo ya datha bakeng sa ditšweletšwa tše rilego goba ditirelo, datha yeo re ye

kgoboketšago, le baka la gore re kgoboketše datha yeo, le seo re se dirago ka yona.

Tšhireletšo ya Datha

Re na le sehlopha se ineetšego se se tla hlokomelago datha ya gago gomme re dirile ditšhireletšo tša kgonthe le tša elektronike tše šireletšago datha ya gago ka bobedi ge e sepedišwa le ge e dutše. Ka nako e swanago, ga go tirelo e šireleditšwego ka mo go feletšego. Ge o na le dipelaelo ka akhaonto ya gago goba ka datha ya gago, hle ikgokaganye le rena ka Kgoro ya Dikgopelo go worldcoin.org/requestportal goba o re ngwalele go Mokgatlo wa Dišomišwa tša Botho, 548 Market Street, PMB 49951, San Francisco, CA 94104 USA.

5. Tshedimošo yeo Re ye Kgoboketšago le Gore Ke Ka Baka la Eng

5.1 Datha Yeo O Re Fago Yona

Byalo ka mošomiši, go ka se nyakege gore o fane datha le ge e le efe gore o fihlelele Tirišo. Le ge go le byalo, go ka hlokega gore o re fe datha e rilego gore re šomiše karolo e ka gare ga Ditirelo. Motheo wa molao wa tshepedišo maemong a ka fase ke tumelelo ya mošomiši le tiro ya konteraka (boitlamo bya rena bya go fana ka Ditirelo). Ka fase ke lelokelelo la datha yeo o ka fanago ka yona le seo re ka dirišelago datha sona:

- **Leina le sefane.** O ka kgetha go tsentšha leina la gago go le tswalanya le akhaonto ya gago. TFH le bašomiši ba bangwe ba ka bona leina la gago ge ba kgetha go kgokagana le akhaonto ya gago. Re ka nyaka leina la gago ge o romela kgopelo ya datha ya motho. Motheo wa molao wa go sepediša datha ye ke tiro ya Tirelo ka tlase ga Melao ya Mošomiši.
- **Aterese ya emaile.** O ka kgetha go tsentšha emaile ya gago go e tswalanya le akhaonto ya gago. O ka fana ka emaile ya gago go ngwadiša go lelokelelo la rena la go romela molaetša gore o dule o le nakong ka modiro wa Worldcoin. Re ka nyaka emaile ya gago ge o romela kgopelo ya datha ya motho. Motheo wa molao wa go sepediša datha ye ke tiro ya Tirelo ka tlase ga Melao ya Mošomiši.
- **Nomoro ya mogala.** O ka kgetha go tsenya nomoro ya gago ya mogala go e tswalanya le akhaonto ya gago. Ka tumelelo ya gago, bašomiši ba bangwe ba ka kgona go hwetša akhaonto ya gago ka nomoro ya gago ya mogala. Re ka nyaka nomoro ya mogala ge o romela kgopelo ya datha ya motho. Motheo wa molao wa go sepediša datha ye ke tiro ya Tirelo ka tlase ga Melao ya Mošomiši.
- **Karabelo le ngwalelano go tšwa go wena.** Se se akaretša di emaile le ge e le dife, melaetša ya go boledišana, goba dipoledišano tše dingwe tše o di romelago go rena ka emaile goba diwepesaete tša sefaleng sa dikgokagano tša leago tša wa boraro. Re ka šomiša mofi wa tirelo wa boraro go sepediša dinyakišišo ka go šomiša ga gago Ditirelo tša rena. Motheo wa molao wa go

sepediša datha ye ke tiro ya Tirelo ka tlase ga Melao ya Mošomiši.

- **Pukwana ya diaterese tsa ba o ikgokanyago le bona.** O ka fa Tirišo phihlelelo ya pukwana ya gago ya diaterese go dumelela karolo e dirago go be bonolo go hwetša le go kgokagana le bašomiši ba bangwe ba go ka diregago gore ba gona pukaneng ya gago ya diaterese. Tshedimošo ya pukwana ya diaterese e dula go sedirišwa sa gago. Motheo wa molao wa go sepediša datha ye ke kgahlego e swanetšego ya motho e ka hwetšwago ka gare ga Tirišo le kgahlego ya mošimiši yo abelanago go hwetša maina a ba a ikgokanyago le bona ka gare ga Tirišo.

Hle lemoga: O na le maikarabelo a go kgonthišetša gore go abelana ka tshedimošo ya ba o ikgokanyago le bona go dumelelana le melao e šomago. Se se ka hloka gore o hwetše tumelelo ya ba o ikgokanyago le bona. O ka fetola mogopolo wa gago gomme wa tima phihlelelo ya rena go ba o ikgokanyago le bona nako ye nngwe le ye nngwe go dipeakanyo tša sedirišwa sa gago. Ge o kgetha go tsenya pukwana ya diaterese tša ba o ikgokanyago le bona ya sedirišwa sa gago go Tirišo go hwetša gore ke mang go ba o ikgokanyago le bona yo a dirišago Ditirelo tša rena, nako le nako re tla kopanya dinomoro tša mogala tša ba o ikgokanyago le bona go dinomoro tšeo le diaterese tša sekhwama tše sepedišanago tše bašomiši ba bangwe ba fanego ka tšona go diseva tša rena.

- **Tshedimošo ya lefelo.** O ka kgetha go dumelela tirelo e thekgilwego lefelong (byalo ka karolo e go dumelelago go hwetša Molaodi wa Orb kgauswi le wena). Re ka kgoboketša tshedimošo ka lefelo la gago ka GPS, aterese ya IP, tshedimošo ya tora ya mogalathekeng, goba tshedimošo ya sedirišwa sa Wi-Fi. Mohuta wa datha ya lefelo o kgoboketšwago o ithekgile go tirelo yeo o e šomišago, sedirišwa se o se šomišago (ka mohlala, Apple goba Android), le dipeakanyo tša sedirišwa sa gago (e ka ba ditumelelo di dumeletšwe goba ga di dumelelwe). O ka fetola ditumelelo tša gago nako ye nngwe le ye nngwe go dipeakanyo tša sedirišwa sa gago. Motheo wa molao wa go sepediša datha ye ke go obamela maikarabelo a molao.
- **Datha ya Kgwebo.** Ge o na le tswalano ya kgwebo le rena (byalo ka ge o le Molaodi wa Orb goba moabi), re ka no nyaka tshedimošo e byalo ka maina, aterese ya go romelela mangwalo, emaile, nomoro ya mogala, aterese ya sekhwama, le mangwalo a mangwe (byalo ka ID ya gago ya mmušo) e le karolo ya go tšwetša pele tswalano ya kgwebo le go kgotsofatša maikarabelo a rena a go tseba-bareki-ba-gago. Re ka no šomiša ditirelo tša wa boraro, byalo ka Onfido, go re thuša go kgoboketša le go hlahloba tshedimošo le mangwalo a ka godimo go kgotsofatša maikarabelo a go tseba-bareki-ba-gago. Motheo wa molao wa go sepediša datha ye ke go obamela maikarabelo a molao, a bitšwago, maikarabelo a go tseba-moreki wa gago (KYC) le go tseba-kgwebo ya gago (KYB) byale ka ge go nyakwa ke molao.
- **Mmaraka wa P2P.** Ge o šomiša Ditirelo tša Mmaraka wa P2P (ge di hwetšagala) tše go dumelelago go reka dithokene tša ditšithale go bašomiši ba bangwe, re ka no kgoboketša tshedimošo ye oketšegilego byalo ka aterese ya gago ya sekhwama, tshedimošo ya gago ya go kgokaganya, le nomoro ya akhaonto e tswalanago le tlhakanyotiri (byalo ka nomoro ya gago ya M-PESA). Re kgoboketša le go boloka datha ya tlhakanyotiri byale ka karolo ya go fana ka Ditirelo tša Mmaraka wa P2P. Re ka no kgoboketša tshedimošo ye oketšegilego go latela dinyakwa tša KYC tše di šomago. Motheo wa molao wa go sepediša datha ye ke tiro ya Tirelo ka tlase ga Melao ya Mošomiši le go obamela maikarabelo a molao.
- **Tirelo ya POP.** Tirelo ya go Netefatša Bohlatse bya Go Tiišetša Gore O Mang ("Tirelo ya POP") e dumelela batšweletši ba bangwe go šomiša ka mo go feletšego talelano ya World ID go netefatša gore bašomiši ba bona ke batho ba moswana-noši. Tirelo ya POP e ka no dumelela batšweletši go šomiša maswao a mangwe byalo ka go netefatša nomoro ya mogala esego, goba go okeletša go Khoutu ya Iris. Tabeng ya go netefatša nomoro ya mogala, re šomiša Twilio go kgoboketša, go šira, le go netefatša nomoro ya mogala go latela [setatamente sa gona sa sephiri](#). Ge o humane kgonthišetšo ya boswana-noši go tšwa go Twilio, re tla tsebiša batšweletši gore nomoro ya mogala e netefadišwe. Re fetišetša nomoro ya gago ya mogala ka morero wa go humana khoutu ya go netefatša fela, ga re boloke dinomoro tša mogala goba di hash tša dinomoro tša mogala. Re fa batšweletši hash fela ya nomoro ya gago ya mogala e ka se kego ya fetošwa e ba dumelelago go kgonthiša gore nomoro ya mogala ke ya kgonthe le gore ke moswana-noši. Hle lemoga gore seripa se se akaretša fela datha yeo re e kgoboketšago, re e šomišago le go e abelana. Se ga se hlaloše se batšweletši ba se dirago ka datha yeo re ba fago (goba tshedimošo ye nngwe yeo ba ka e kgoboketšago ka wena ka thoko).
- **Datha ya Kgopelo.** Ge o batla go re šomela o swanetše go re romela kgopelo ya gago e akaretšago lengwalo la go akaretša le CV gotee le tshedimošo yeo o ratago go e utolla. Motheo wa molao wa go sepediša ke megato e kgopelwago ke beng ba datha pele ga go tsena go konteraka.

5.2 Datha Yeo Re E Kgoboketšago Go Tšwa Go Methopo Ya Wa Boraro

Nako le nako, re ka no hwetša tshedimošo ka wena go tšwa go methopo e latelago ya wa boraro:

- **Datha ya Blockchain.** Re ka no sekaseka datha ya blockchain ya phatlalatša go kgonthišetša gore mekgatlo e šomišago Ditirelo tša rena ga ye itswalanye le tiragalo e sego molaong goba e ganeditšwego ka tlase ga Melao ya Mošomiši, le go sekaseka ditshekamelo tša tlhakanyotiri bakeng ša nyakišišo le merero ya go tšweletša. Motheo wa molao wa go sepediša datha ye ke go obamela maikarabelo a molao.
- **Ditirelo Tša Go Netefatša Boitšhupo.** Re ka no hwetša tshedimošo go tšwa go ditirelo tša wa boraro tše di šomišago datha ya gago go netefatša boitšhupo bya gago ge go nyakwa ke molao (byalo ka dinyakwa tše šomago tša tseba-moreki-wa-gago). Go hlaloša gabotse, ga re šomiši datha ya gago ya payometrike ge re netefatša boitšhupo bya gago byale ka ge go nyakwa ke molao. Motheo wa molao wa go sepediša datha ye ke go obamela maikarabelo a molao.
- **Di dathabeisi tša talente.** Re ka no kgoboketša datha go tšwa go methopo e fapanego go nea mešomo go batho ba na lego talente. Motheo wa molao wa go sepediša tšewe ke dikgahlego tše swanetšego. Dikgahlego tše di swanetšego tše phegelelwago ke kgahlego ya go kalatša batho le kgahlego ya motho ya go newa mošomo o nago le thomo e kgahlišago le tšhelete ya pušeletšo ye kwa godimo.

5.3 Datha Yeo Re E Kgoboketšago Ka Go Itiragalela

Ge go dumelelwa ka tlase ga molao o šomago, re ka no kgoboketša datha ya mohuta o rilego ka go itiragalela ge o kgokagana le Ditirelo tša rena. Tshedimošo ye e re thuša go swaragana le ditaba tša thekgo ya moreki, go kaonefatša tiro ya Ditirelo, go go nea tiragalo e kaonefadišwego le ya motho ka noši, le go boloka dintlha tša akhaonto ya gago. Tshedimošo e kgobokeditšwego ka go itiragalela e akaretša:

- **Ditšhupetšo tsa Inthanete:** Didirišwa tša go hwetša lefelo le dintlha tša go lota mohlala (bona ka godimo), khomputha goba tshepedišo e šomago ka mogala thekeng, leina la lenaneo la go nyakišiša le mohuta, gotee le diaterese tša IP. Motheo wa molao wa go sepediša datha ye ke go obamela maikarabelo a molao (maemong a lekanyeditšwego kudu go swana le a datha e ka tsenywa mo go lemogwago phallo ya bomenetša le tšhelete e sego molaong) le tiro ya konteraka ka ge re nyaka go fana ka tiragalo e tsepamego le e se nago bomenetša ya software ya rena.
- **Go šomišwa ga Datha:** Datha ya go netefatša, dipotšišo tša tšhireletšo, le datha ye nngwe ye e kgobokeditšwego ka di cookie le ditheknolotši tše dingwe. Motheo wa molao wa go sepediša datha ye ke tiro ya tirelo ya rena ka tlase ga Melao ya Mošomiši.
- **Di cookie:** difaele tše nyenyane tša datha tše bolokilwego go sedirišwa sa go boloka datha goba kgopolong ya sedirišwa di re thuša go kaonefatša Ditirelo tša rena le tiragalo ya gago, go bona gore ke dika le dikarolo tše feng tša Ditirelo tša rena tše ratwago kudu, le go bala diketelo. Bakeng sa motheo wa molao wa go sepediša datha yewe hle e ya go [Molao wa Di Cookie](#) mo re hlalošago mehuta e fapanego ya di cookie tše re di šomišago.

Ka mo go swanago, Tirišo e kgoboketša tshedimošo ya go tloša diphošo le go kaonefatša. Re šomiša ditirelo tša wa boraro, byalo ka Segment.io goba PostHog, go bona kgoboko ya tshedimošo ka go šomišwa ga mošomiši le dikgokagano. Moo go kgonegago, re tšea mekgato go fokotša goba go šira tshedimošo e romelwago wa boraro (byalo ka go fetola datha e be khoutu). Motheo wa molao wa go sepediša datha e go bolelwago ka yona ka godimo ke kgahlego e swanetšego ya go laola Tirišo le wepesaete.

5.4 Datha ya Go Hloka Leina le e Kgobokeditšwego

Go hlokiša leina ke mokgwa wa go sepediša datha o fetošago datha ya motho ka noši gore e sa ka ya tswalanywa le motho yo rilego. Mehlala ya datha ya go hloka leina e akaretša:

- Datha ya tlhakanyotiri
- Datha e bontšhago go šomišwa ga wepesaete
- Dipalopalo tša bokgoni
- Ditšhupetšo tša bomenetša

Gape re kgoboketša datha, re kopanya mmogo ditekanyo tše kgolo tša tshedimošo gore e se hlole e supetša motho. Re šomiša datha ya go hloka leina goba e kgobokeditšwego bakeng sa merero ya kgwebo, byalo ka go kwešiša dinyakwa le boitshwaro bya mošomiši, go kaonefatša Ditirelo tša rena, go lebelela datha ya mediro ya kgwebo le go rekiša, go lemoga ditšhošetšo tša tšhireletšo, le go katiša mananeo-palo a rena.

Motheo wa molao wa go sepediša datha e go boletšwego ka yona ka godimo ke kgahlego e swanetšego ya tirišo e šomago goba wepesaete, ditemogo tša kgwebo le go phema bomenetša.

5.5 Datha ya Payometrike

Re tla kgoboketša fela le go šomiša datha ya gago ya payometrike ka morago ga gore o dumelele [Fomo ya Tumelelo ya Datha](#), e bontšhago gabotse mehuta ya datha ya payometrike ye re e sepedišago le gore ke ka baka la eng. Datha ya payometrike ga ya tswalanywa le datha ya gago ya akhaonto e lego go Seripa 4 ka godimo.

6. Kamoo Re Šomišago Datha Yeo Re E Kgoboketšago

Re swanetše go ba le lebaka le kwagalago (goba “motheo wa molao wa go sepediša”) go šomiša tshedimošo ya gago ya motho ka noši. Maamong a go wona o ka letelago ka mo go kwalago gore re šomiše tshedimošo ya gago ya motho ka noši le go šomiša ga rena tshedimošo yeo go tsamaišana le melao e šomago, ga re kgopele tumelelo ya gago e tiilego. Ge go tliwa tabeng ya datha ya gago ya payometrike, re kgopela tumelelo ya gago e tiilego le e theilwego tsebong.

Re šomiša datha ya gago bakeng sa merero e latelago:

- Go fana le go tšwetša pele didirišwa le ditirelo tša rena ka tlase ga Melao ya Mošomiši. Ditirelo tše di akaretša:
 - World ID – bohlatse ba go Boloka Sephiri bya Go Tiišetša Gore O Mang byo bo newago fela motho o tee gatee e le phere ya senotlelo sa phatlalatša le sa sephiri. World ID e ka šomišwa ka temogo ya mošomiši go hlatsela boswana-noši bya gagwe go lebanya le ditirelo tše dingwe;
 - Go nea dimpho tša dithokene tša titšhithale;
 - Tirišo yeo go yona bašomiši ba ka laolago World ID ya bona le dithokene tša ditšhithale gammogo le go ithuta ka tšhelete ya ditšhithale ka kakaretšo le protšeke ya Worldcoin ka go lebanya;
 - Tirišo ya Molaodi moo Balaodi ba Orb ba ka laolago le go hlokomela di Orb tša bona ka tlase ka taolo le dipalo-palo tša bona;
 - Motheo wa molao bakeng sa maemo a ke tiro ya konteraka, e bitšwago, Melao ya Mošomiši.
- Go kaonefatša le go tšweletša didirišwa le ditirelo tša rena, go akaretša le go tloša diphošo le go lokiša diphošo go Ditirelo tša rena. Motheo wa molao wa tšhepedišo ye ke dikgahlego tše swanetšego. Dikgahlego tše phegelelwago ke go fana ka tiragalo e tsepamego le e šireletšegilego ya software le ditlabakelo tša rena.
- Go dira nyakišišo ya thutamahlale ya datha. Motheo wa molao wa tšhepedišo ye ke dikgahlego tše swanetšego tša go fana ka tiragalo e kaone ya mošomiši, thekgo e kgolo kudu, gammogo le dikaralo tše di nago le mohola kudu go Ditirelo.
- Go sekaseka tirišo ya gago ya Ditirelo tša rena go fana ka thekgo e kaone. Motheo wa molao wa tšhepedišo ye ke dikgahlego tše swanetšego. Dikgahlego tše phegelelwago ke go fana ka tiragalo e kaone ya software le ditlabakelo tša rena;
- Go go dumelela go phatlalatša tshedimošo (go akaretša Khoutu ya gago ya Iris ya moswana-noši) go blockchain go hlatsela boswana-noši bya gago. Motheo wa molao wa tšhepedišo ye ke tumelelo ya gago e tiilego;
- Go šomiša aterese ya gago ya sekhwama go go romelela dithokene tša ditšhithale tše re di thekgago. Motheo wa molao wa tšhepedišo ye ke tiro ya konteraka, e bitšwago, Melao ya Mošomiši.;
- Go latelela molao o šomago byalo ka molao o thibelago go hwetša tšhelete ka bohwirihwiri le dikganetšo. Se se akaretša:

- Go šomiša aterese ya gago ya IP go thibela batho ba naga ya bona e sa ba dumelelego go fihlelela Ditirelo;
 - Go araba dikgopelo tša datha ya motho ka tlase ga melao e šomago ya tšhireletšo ya datha go swana le dikgopelo tša phihlelelo goba go phumola;
 - Go hlokomela diphallo tša tšhelete tše ka bago gona tše sego molaong ka mohlala go tšwa go dikhwama tše lego lelokelelong le lesa; le
 - Motheo wa molao wa tšhepedišo ye ya datha ke go obamela maikarabelo a molao.
- Go swarana le dikgopelo tša gago tša tirelo ya moreki, dingongorego le dipotšišo. Motheo wa molao wa tšhepedišo ye ke tiro ya konteraka, e bitšwago, Melao ya Mošomiši.
 - Go rarolla dikgohlano, ditaba tša go tloša diphošo, le go netefatša go šoma ga ditumellano tša rena le wena, go akaretša Setatamente se sa Sephiri le Melao ya Mošomiši. Motheo wa molao wa tšhepedišo ye ke tiro ya konteraka, e bitšwago, Melao ya Mošomiši le dikgahlego tše swanetšego moo dikgahlego tše phegelelwago e lego tšhireletšo ya dipego tša molao; le
 - Go ikgokaganya le wena ka dimphafatšo tsa Ditirelo. Motheo wa molao wa tšhepedišo ye ke tiro ya konteraka, e bitšwago, Melao ya Mošomiši.

7. Ke Kae Moo Re Sepedišago Datha Ya Gago

7.1 Go Fetišetša Datha.

Ge o re fa datha ya gago, e ka no fetišwa, ya bolokwa, goba ya sepedišwa lefelong le kantle ga moo datha ya gago e bego e kgobokeditšwe gona kwa mathomong. Naga yeo go yona datha e fetišetšwago, e bolokwago le go sepedišwa e ka no se be le melao e swanago ya tšhireletšo ya datha byalo ka naga yeo o thomilego go yona go fana ka datha.

Re latelela melaotheo e boletšwego go Yuniono ya Yuropa Ya Taolo Ya Kakaretšo Ya Tšhireletšo Ya Datha (General Data Protection Regulation, GDPR), le ge go sa hlokege. Ka mohlala, ge re šoma ka basepediši ba datha ba šomago kantle ga Lefelo la Ikonomi la Yuropa (European Economic Area, EEA), re kgonthiša gore ba dumelelana le GDPR. Re abelana fela ka datha le basepediši ba datha kantle ga EEA ge phetišetšo e byalo e le molaong le ge re kgodišegile gore mosepediši wa datha o tla šireletša datha ya gago ka ge go hlokega ka tlase ga melao e šomago le, go oketša, go dumelelana le ditekanyetšo tša rena. Ge go fetišetšwa datha nageng ye nngwe e se nago phetho ya go šireletša datha, re šomiša Melao ya Setlwaedi ya Konteraka ya EU.

7.2 Dikotsi tša go Fetišetša

Ka mo fase ke lelokelelo la dikotsi tše ka diregago ge re fetišetša datha ya gago kua United States, go Yuniono ya Yuropa, goba naga ye nngwe. Ka mo fase re dira kakaretšo ya kamoo re fokotšago dikotsi tsewe.

- Ge re ntse re dira kamoo re kgonago go kgonthišetša gore baabelwa dikonteraka ba rena ba na le maikarabelo a go šireletša datha ya gago kamoo go lekanego, baabelwa dikonteraka ba ba ka no se be ka tlase ga molao wa sephiri sa datha wa naga ya gago. Ge baabelwa dikonteraka ba ka sepediša datha ya gago e sego ka molao ntle le tumelelo, go ka no ba thata go gatelela ditokelo tša gago tša sephiri kgahlanong le moabelwa konteraka yewe. Re fokotša kotsi ye ge re tswalela ditumelelano tša tšhepedišo ya datha tše tiilego le baabelwa dikonteraka ba rena tše di ba gapeletšago go šireletša datha tekanyong ya GDPR le go phethagatša dikgopelo tša batho.
- Go na le kgonagalo ya gore molao wa sephiri sa datha nageng ya gago ga o dumelelane le melao ya sephiri sa datha e kua U.S goba kua E.U. Re dula re leka go latelela tekanyetšo e kwa godimo kudu ya tšhireletšo ya datha ye re lego ka tlase ga yona. Go fihla ga byale, re hweditše se e le GDPR gomme re swara datha ka moka byalo ka ge e bušwa ke GDPR.
- Go ka no direga gore datha ya gago e ka ba ka tlase ga phihlelelo ya mmuso ya bahlankedi le balaodi. Maamong a re itlamme go lebeletšana le kgopelo ya phihlelelo ya mmušo le ge e le efe e sa amogelegego, e šomago kudu, goba e sego molaong kua kgorong ya tsheko. Re tšwelela ka go šomiša go logelela maswao go go kaonefaditšwego go thibela phihlelelo e sego molaong.

Hle lemoga gore lelokelelo le le na le mehlala, eupša e ka no se akaretše dikotsi ka moka tše ka diregago go wena.

7.3 GA GO HWETŠAGALE GO SWANELEGA GA MELAO YA SEPHIRI YA UNITED STATES

Khomišene ya Yunione ya Yuropa e nago le maikarabelo a go dira go swanelega ga Melao ya Sephiri ya ditikologo tše dingwe ge di bapišwa le GDPR ga e se ya hloma gabotse gore tekanyo ya naga-ya-go-lebanya ya tšhireletšo ya datha ya motho ka noši kua United States, moo karolo ye nngwe ya datha ya gago e sepedišwago gona, e fana ka tekanyo e lekanago ya tšhireletšo byalo ka Melao ya Sephiri ya Yunione ya Yuropa.

8. Ge re abelana ka Datha ya Gago

Re ka se rekiše datha ya gago.

Ge re abelana ka datha ya gago kante ga TFH, re tla dula re:

- Abelana ka yona ka tsela e šireletšegilego ka mo go kwalago;
- Tšea megato go kgonthišetša gore e swarwa ka tsela e dumelelanago le boitlamo bya rena bya sephiri sa gago ; le
- Go thibela dikhamphani tše dingwe go e šomišetša merero ya tšona.

Re abelana ka datha ya gago ka ditsela tše tše lekanyeditšwego:

- **Ka Worldcoin:** Datha, go akaretša tshedimošo ya gago ya motho ka noši, e ka abelanwa le Mokgatlo wa Worldcoin goba mokgatlo o latelago o nago le maikarabelo a go hlatloša le go tšwetša pele thomo ya protšeke ya Worldcoin.
- **Ka gare ga TFH:** Re utolla datha fela go ditho tša sehlopha sa rena tše hlokago phihlelelo gore di dire mešomo le mediro ya tšona. Re utolla fela datha e lekanego kamoo e hlokegago go dira mešomo e rilego gomme re na le tšhepedišo ya taolo ya phihlelelo e tiilego.
- **Ka barekiši le ba fanago ka tirelo kante ga TFH:** Re utolla datha fela go ba fanago ka tirelo ba re ithekgilego ka ditirelo tša bona gore re sepediše datha le go go nea Ditirelo tša rena. Re utolla datha fela ka go netefatša boitšhupetšo bya barekiši ge go nyakwa ke Molao (go swana le, dinyakwa tša go tseba-moreki-wa-gago).
- Magoro a ba ba fanago ka tirelo ba mohuta woo ke:
- Ba ba fanago ka tirelo kua inthaneteng (mehuta kamoka ya datha)
- Ba ba fanago ka SaaS, re šomiša didirišwa tša SaaS magorong a latelago:
 - Dathapeisi le taolo ya motheo wa datha
 - Tšhireletšo ya datha
 - Go kalatša
 - Poledišano
 - Dinyakišišo
 - KYC/KYB go swana le go lekola magwalo a mo molaong
 - Taolo ya kgopelo ya datha ya motho
 - Thekgo ya sethekniki
 - Thekgo ya mošomiši
- Ditsebi tša kante
 - Batšweletši ba ditsebi ba software
 - Ditsebi tša molao
 - Baeletši ba motšhelo

- Dipanka
- Ba ba fanago ka tirelo ba hlaolago (ka tlase ga ditšhireletšo tše kgethegilego fela)
- Nyakišišo ya setlogo ya ba ba ngwadišitšego le Balaodi ba Orb
- **Ka phethagatšo ya molao, bahlankedi, goba ba bangwe ba boraro:** Re ka no utolla datha ya gago gore e dumelelane le melao e šomago le go araba dinyakwa tše gapeletšwago ke molao. Re tla hlahloba ka kelohlolo kgopelo ye nngwe le ye nngwe go bona gore kgopelo e dumelelane le molao gape, mo go swanetšego, re ka no lebeletšana le dikgopelo tše sa amogelegego, tše šomago kudu, goba tše sego molaong kua kgorong ya tsheko. Re ka no abelana le datha ya motho ka noši le maphodisa le balaodi ba bangwe ba mmušo moo re dumelago gore gwa hlokega go dumelelane le molao, taolo le tšhepedišo ye nngwe ya molao goba maikarabelo.
- Re ka no abelana ka tshedimošo ya gago ya motho ka noši ge re dumela gore ditiro tša gago ga di dumelelane le Melao ya Mošomiši, ge re dumela gore o tshetše molao, goba re dumela gore gwa hlokega go šireletša ditokelo, lehumo le tšhireletšego ya TFH, goba bašomiši ba rena, batho, goba ba bangwe.
- Re ka no abelana ka tshedimošo ya gago ya motho ka noši le boramoloa le baeletši ba bangwe ba ditsebi ge go hlokega go hwetša keletšo goba go sego byalo go šireletša le go laola dikgahlego tša rena tša kgwebo.
- Re ka no abelana ka tshedimošo ya gago ya motho ka noši mabapi le, goba nakong ya ditherišano tša, go kopanya, go rekiša dithoto tša khamphani, ditšhelete, goba go hwetša kamoka goba karolo ya kgwebo ya rena ke khamphani ye nngwe.
- Datha, go akaretša tshedimošo ya motho ka noši e ka abelanwa ka gare ga batswadi ba rena ba gona byale le ba ka moso, bagwebišana mmogo, le ba ka fase gotee le dikhamphani tše dingwe ka tlase ga taolo ye tee.
- Re ka no abelana ka tshedimošo ya gago ya motho ka noši ka tumelelo ya gago goba ka taolo ya gago.

9. Kamoo Datha ya Gago e Begilwego go Blockchain ya Phatlalatša

Tshedimošo ya tlhakanyotiri e amanago le go šomiša ga gago Ditirelo tša rena e ka begwa go blockchain ya phatlalatša.

Hle lemoga: Di blockchain ke puku ya dikoloto ya phatlalatša ya ditlhakanyotiri tše di bolokwago go di netweke tša phatlalatša tše laolwago ke ba boraro ba sa laolwego ke goba go sepedišwa ke Worldcoin. Ka baka la sebopego sa dipuku tša dikoloto tsa blockchain sa phatlalatša le se sa fetogego, re ka se kgonthišetše bokgoni bya go lokiša, go phumola, goba go laola kutollo ya datha e tsenywago le go bolokwa go blockchain, go akaretša le Khoutu ya gago ya Iris

10. Kamoo Re Šomišago Di Cookie

Re šomiša di cookie go thuša Ditirelo tša rena gore di šome kaone. Go oketša go di cookie, re ka no šomiša ditheknolotši tše dingwe tše swanago, go swana le di beacon tša wepe, le go lota mohlala wa bašomiši ba Ditirelo tša rena. Di beacon tša wepe (tše di tsebjago e le "clear gifs") ke diswantšho tše nyenyane tše nago le boitšhupetšo bya moswana-noši, tše šomago go swana le di cookie. [Molao wa rena wa di Cookie](#), o akareditšwego moo ka tšhupetšo.

Re šomiša gape le Google Analytics. Tshedimošo e oketšegilego ka tsela yeo Google e šomišago datha ya gago ge o šomiša diwepesaete tša badirišane ba bona le ditirišo: <https://www.google.com/policies/privacy/partners/>. Ka go šomiša Ditirelo, o fana ka tumelelo go TFH go boloka le go fihlelela di cookie le datha ye nngwe go khomputha ya gago goba sedirišwa sa mogala le go šomiša Gosekaseka ka Google mabapi le ditiro tše byalo. Hle bala tshedimošo ye e lego go kgokaganyo e neilwego gore o kwešiše se o se dumelelago.

11. Re Boloka Datha Ya Gago Nako E Kae?

Re boloka datha ya gago lebaka ka moka leo re bonago go hlokega kamoo go kwalago go fana ka Ditirelo tša rena go wena, go dira merero ya rena e swanetšego ya kgwebo, le go dumelelane le maikarabelo a rena a molao le taolo. Ge o tswala akhaonto ya gago le rena, re tla phumola datha ya akhaonto ya gago mo matšatšing a 90; go sego byalo re tla phumola datha ya akhaonto ya gago ka morago ga mengwaga e 2 ya go se šome. Ge go nyakwa ke molao, re tla tšwela pele go boloka datha ya gago ya motho ka noši ge go hlokega go dumelelane le maikarabelo a rena a molao le taolo, go akaretša go hlokomela, go lemoga, go phema bomenetša, gammogo

le maikarabelo a go bega motšhelo, diakhaonto le ditšhelete. Ge o ka rata gore re phumole datha ya gago ya motho ka noši, go akaretša tshedimošo ya gago ya payometrike, hle e ya go Seripa 13 ka fase.

Hle lemoga: Di blockchain ke dinetweke tša phatlalatša tša wa boraro tšeo re sa di laolego goba go di sepediša. Ka baka la sebopego sa theknolotši ya blockchain sa phatlalatša le se sa fetogego, re ka se lokiše, ra phumola, goba go laola kutollo ya datha e bolokwago go di blockchain.

12. Kamoo Setatamente se sa Sephiri se Fapanego bakeng sa Bana le Bafsa

Batho ba ka fase ga mengwaga ye 18 ga ba dumelelwa go šomiša Ditirelo, gomme ga re kgoboketše datha go tšwa go batho ba ka fase ga mengwaga ye 18 ka go tseba. Ge o dumela gore ngwana wa gago o ka fase ga 18 o hweditše phihlelelo go Ditirelo ntle le tumelelo ya gago, o ka no kgopela go phumolwa ga datha ya gae, ka go ikgokaganya le rena ka Kgoro ya Kgopelo go worldcoin.org/requestportal.

Ge re hwetša gore re kgobokeditše datha ya ngwana o ka fase ga mengwaga ya 18, re tla phumola datha e byalo ka pela ka mo go kgonegago. Re tšere megato e kwagalago ya kgwebo go thibela tirišo ya Ditirelo go bao ba lego bonyenyane mengwaga e 18. Ga re rekiši didirišwa goba ditirelo bakeng sa go rekišetša bana.

13. Ditokelo tša molao ka tlase ga GDPR

Seripa se se šoma ge go sepediša datha ya gago go le ka tlase ga bogolo bja tirišo ya GDPR (*ka mohlala*, ge o le modudi wa Lefelo la Ikhonomi la Yuropa). O ka no ba le ditokelo tše oketšegilego ka tlase ga GDPR byalo ka ge go le lelokelelong ka fase. Go šomiša ditokelo tša gago tše hwetšagalago ka tlase ga GDPR, hle ikgokaganye le rena go worldcoin.org/requestportal.

- O na le tokelo ya go hwetša mo go rena ka nako ye nngwe le ye nngwe ge o kgopela tshedimošo ka datha ya motho ka noši ye re e sepedišago mabapi le wena ka gare ga bogolo bja Art. 15 GDPR.
- O na le tokelo ya go nyaka gore gateetee re lokiše datha ya motho ka noši e mabapi le wena ge e fošagetše.
- O na le tokelo, ka fase ga maemo a hlalošitšwego go Art. 17 GDPR, go nyaka gore re phumole datha ya motho ka noši e mabapi le wena. Maemo a nyakegago pele a fana ka go kgethega ka tokelo ya go phumula ge datha ya motho ka noši e sa hlole e hlokega bakeng sa merero yewe e be e kgoboketšwa ka yona go sego byalo e sepedišwa, gotee le maemong a tšhepedišo e sego molaong, go ba gona ga kganetšo goba go ba gona ga maikarabelo a go phumola ka tlase ga molao wa Yunion e goba molao wa Leloko la Mmušo yo re lego ka tlase ga wona.
- O na le tokelo ya go nyaka gore re thibele tšhepedišo go dumelelana le Art. 18 GDPR.
- O na le tokelo ya go amogela go tšwa go rena datha ya motho ka noši e mabapi le wena ye o re filego yona ka fomete e rulagantšwego, e šomišwago ka tlwaelo, e balebago ka motšhene go dumelelana le Art. 20 GDPR.
- O na le tokelo ya go ganetša ka nako ye nngwe le ye nngwe, motheong o mabapi le boemo bja gago bjo itšego, go tšhepedišo ya datha ya motho ka noši e mabapi le wena e sepedišwago, magareng a dilo tše dingwe, motheong wa Article 6 (1) lefoko 1 lit f GDPR, go dumelelana le Article 21 GDPR.
- O na le tokelo ya go ikgokaganya le balaodi ba okamelago ba swanelegago ge o na le dingongorego ka tšhepedišo ya datha e sepedišwago ke molaodi. Balaodi ba nago le maikarabelo ba okamelago ke Ofisi ya Mmušo ya Bavaria ya Bookamedi bja Tšhireletšo ya Datha (Bayerisches Landesamt für Datenschutz).
- Ge go sepediša datha ya motho ka noši go thekgilwe tumelelong ya gago, o na le tokelo ka tlase ga Art. 7 GDPR go fetoša tumelelo ya gago ya go šomiša datha ya gago ya motho ka noši ka nako ye nngwe le ye nngwe go dira bakeng sa bokamoso, moo go fetoša go lego bonolo go go bolela go swana le tumelelo ka boyona. Hle lemoga gore go fetoša go šoma fela bakeng sa bokamoso. Tšhepedišo e diregago pele ga go fetoša ga e kgomege.

14. Kamoo o Ka Ikgokaganyago le Rena ka Setatamente se sa Sephiri

O ka kgetha go phumola datha ya gago go Tirišo ka fase ga menyu wa Dipeakanyo. Ge o na le dipotšišo goba dipelaelo mabapi le Setatamente se sa Sephiri, o nyaka go šomiša ditokelo tša gago, goba go ikgokaganya le Molaodi wa Tšhireletšo ya Datha (DPO), hle

romelela kgopelo ya gago ka Kgoro ya Kgopelo go worldcoin.org/requestportal goba re ngwalele go Mokgatlo wa Dišomišwa tša Botho, 548 Market Street, PMB 49951, San Francisco, CA 94104 USA. Re arabela dikgopelo ka moka tše re di hwetšago go tšwa go batho ba nyakago go šomiša ditokelo tša bona tša tšhireletšo ya datha go dumelelana le melao e šomago ya tšhireletšo ya datha. O ka no phumola datha ya gago ka gare ga Tirišo.

Ge o na le pelaelo e sa rarollwago ya sephiri goba ya go šomiša datha ye re sa e lokišago kamoo go kgotsofatšago, hle ikgokaganye le molaodi wa tšhireletšo ya datha lefelong la gago. Ge o dula kua EU, o ka hwetša molaodi wa tšhireletšo ya dathamo.

PS20230101